

San Nicolas tin 300 turista ta cana riba caya pa dia



Página 2

A2|LOCAL

DIAMARS 27 NOVEMBER 2018



Tito Bolivar: “Awor San Nicolas tin 300 turista ta cana riba caya pa dia”

ORANJESTAD - Aruba Art Fair ta un feria cu ta tene na San Nicolas y a ricibi mas di 25.000 bishitante den ultimo tres aña, cu ocho proyecto y 40 muraya converti den un espacio di arte moderno y contemporaneo.

Durante un entrevista cu Bon Dia Aruba a tene cu e creador y organisador di Aruba Art Fair y otro proyectonan, sr Tito Bolivar, el a bisa cu e idea a surgi tempo e tabata na Colombia y el a mira un espacio deca, pero e arte tabata haci algo cu e espacio. Despues el a bolbe na Aruba y na 2015 el a dicidi di trece ‘Arte Publico’ na Aruba, despues cu el a regresa di Colombia y di biba un experiencia bunita ayanan, el a pensa: Kico ta haci falta aki? Algun tempo despues el a cuminsa busca artistanan internacional, manera el a bisa esunnan miho di mundo, manera Fio Silva, James, Farid Rueda, Steven Chilango, entre otro, y el a invita nan pa haci ‘Street Art’ na Aruba hunto cu artistanan local. Nan a logra haci di San Nicolas un obra di arte impresionante y Aruba a haya atencion super special rond mundo. Asina ‘Aruba Art Fair’ a nace,



papia di Wynwood na Miami, pero aki e ta purba di mantene e murayanan cu un ‘Identidad Caribense’, identidad di Aruba, cada mural tin un motibo pa wordo pinta, nan tin algo nan tras.

Un di e artistanan mas respecta na Aruba ta Alex van Romondt, cu ta representa un impulso di arte, cultura y literatura di Aruba, fundador di e Biblioteca Nacional di San Nicolas, el a haya un conmemoracion di Hulanda masha importante.

El a splica cu e murayanan pinta a causa un impacto, di felicidad, di frustracion y di curiosidad. Di felicidad pa motibo cu hende ta canando den area di San Nicolas, el a bisa cu nan a transforma e pueblo di San Nicolas cu tabata un ‘ghost town’, den curiosidad pa e hende cu ta bin pa negoshi y ta cumpra producto. El a expresa cu ‘loke tur gobierno a lubida di wak ta cu ni un comerciante no lo bin San Nicolas si no tin movecion di hende, pa motibo cu bo no ta bay bende nada.”

e ta consisti di tres dia di compra y benta y arte, cu e representacion di artistanan nacional y Internacional cu ta traha obra moderno y contemporaneo, incluyendo e 40 murayanan situa na e centro historico di San Nicolas.

Sr Bolivar a splica cu tur e añanan cu nan ta tene e feria, nan ta pinta e murayanan cu ta un regalo pa San Nicolas. Segun Bolivar a bisa, e parti esencial pe tabata pinta muraya na color; hopi hende ta

Tito Bolivar: “Awor San Nicolas tin 300 turista ta cana riba caya pa dia”

Cobntinuacion di Pag. 2

“Awendia San Nicolas tin te 300 turista cu ta cana riba caya diariamente, esey no tabata existi antes,” e ta un cos cu a duna atencion pa San Nicolas, eventonan ta wordo organisa eynan tambe, tur esey ta pa via di loke nan a haci, “Aruba a cuminsa cera conoci atrobe cu San Nicolas,” el a sigura.

Tambe Tito Bolivar tabatin e iniciativa di crea ‘Art Expression’ cu ta un actividad pa mucha di scol, 25 scol cu ta traha cu un topico diferente pa aña, cu e meta di stimula e generacion nobo cu arte, unda e scolnan y e organizacionnan cu ta participa ta ricibi un canvas blanco bashi cu un topico, por ehempel: Kico ta Cultura? Y cu esey e tabata mira cual tabata e impacto di e actividad cu e muchanan tabata haci trahando riba muraya, kico nan a siña cu e experiencia ey.

Un di e pregunta pa e muchanan tabata: Kico e comunidad di San Nicolas ta nifica pa bo? Pa motibo cu e hende di San Nicolas tin otro manera di wak e pueblo di San Nicolas cu e resto di Aruba, unda e tabata conoci pa cierto cosnan, pero ora e obra di arte a yega San Nicolas, e tabata full un otro mundo pa



e muchanan, e murayanan a influencia e muchanan caba. Asina sr Bolivar a refleha tur aña cu e actividad ‘Art Expression’ con e muchanan y e futuro generacion ta mira nan pais, Aruba.

El a duna di conoce cu el a

traha un estructura pa educa su mes door di educa pueblo, e ta e creador di e programa ‘Conoce mi’, e programa cu nan a graba cu 24 artista local, den diferente ramo, cu e interes cu nan tin, y con nan ta produci algo.

Tito a conta cu aworaki e ta

traha cu un grupo di mucha cu tin problema y dificultad, y el a pone mas enfasis riba esunnan pa yuda e muchanan pa expresa nan mes creativamente y nan a causa un impacto den bida diario, cu e trabao di “mosaico local” riba banki cu tin den varios caya

di San Nicolas.

Tambe e ta haci ‘Aruba Mural Tours’, dedica na esnan cu lo kier descubri historia y artistanan di e muraya y otro espacio cu e artistanan a crea den area di San Nicolas, especialmente pa turista.